



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐԻ  
**ՀՐԱՄԱՆ**

**N 1523-Ա/2**

**26.08.2022թ.**

**ՎԵՆԵՏԻԿԻ ՄԻՋԱԶԳԱՅԻՆ ԲԻԵՆԱԼԵԻ ՇՐՋԱՆԱԿՆԵՐՈՒՄ ՎԵՆԵՏԻԿԻ 79-ՐԴ  
ՄԻՋԱԶԳԱՅԻՆ ԿԻՆՈՓԱՌԱՏՈՆԻՆ ԱՐՏԱՎԱԶԴ ՓԵԼԵՇՅԱՆԻ «ԲՆՈՒԹՅՈՒՆ»  
ՖԻԼՄԻ ՑՈՒՑԱԴՐՈՒԹՅԱՆ ՎԱՎԵՐԱԳՐՄԱՆ ԾՐԱԳԻՐԸ ՀԱՍՏԱՏԵԼՈՒ ԵՎ ԳՈՒՄԱՐ  
ՀԱՏԿԱՑՆԵԼՈՒ ՄԱՍԻՆ**

Ղեկավարվելով «Հայաստանի Հանրապետության 2022 թվականի պետական բյուջեի մասին» Հայաստանի Հանրապետության օրենքով և Հայաստանի Հանրապետության վարչապետի 2019 թվականի հունիսի 1-ի N 661-Լ որոշման հավելվածի 19-րդ կետի 20-րդ ենթակետով՝ Վենետիկի միջազգային բիենալի շրջանակներում Վենետիկի 79-րդ միջազգային կինոփառատոնին Արտավազ Գրիգորյանի «Բնություն» ֆիլմի ցուցադրության վավերագրմանն աջակցելու նպատակով՝

**Հ Ր Ա Մ Ա Յ ՈՒ Մ Ե Մ**

1. Հաստատել Վենետիկի միջազգային բիենալի շրջանակներում Վենետիկի 79-րդ միջազգային կինոփառատոնին Արտավազ Գրիգորյանի «Բնություն» ֆիլմի ցուցադրության վավերագրման ծրագիրը՝ համաձայն հավելվածի:

2. «Հայաստանի Հանրապետության 2022 թվականի պետական բյուջեի մասին» Հայաստանի Հանրապետության օրենքի N 1 հավելվածի N 2 աղյուսակի «1168 Արվեստների ծրագրի» «11005 Մշակութային միջոցառումների իրականացում» միջոցառման համար Հայաստանի Հանրապետության կրթության, գիտության, մշակույթի և սպորտի նախարարությանը (այսուհետ՝ նախարարություն) նախատեսված գումարներից (տող՝ «Միջազգային մշակութային համագործակցության իրականացում, սփյուռքի հետ համագործակցություն, հայ մշակույթի պահպանում») հատկացնել 1173.5 հազար (մեկ միլիոն հարյուր յոթանասուներեք հազար հինգ հարյուր) հազար դրամ՝

Վենետիկի միջազգային բիենալեի շրջանակներում Վենետիկի 79-րդ միջազգային կինոփառատոնին Արտավազդ Փելեշյանի «Բնություն» ֆիլմի ցուցադրության վավերագրման ծախսերն ապահովելու համար:

3. Նախարարության ֆինանսաբյուջետային վարչության պետին՝ սույն հրամանն ուժի մեջ մտնելուց հետո 15-օրյա ժամկետում նախապատրաստել և նախարարության գլխավոր քարտուղարի ստորագրմանը ներկայացնել սույն հրամանի 2-րդ կետում նշված գումարը «Փաստավավերագրական ֆիլմերի «Հայկ» կինոստուդիա» պետական ոչ առևտրային կազմակերպությանը հատկացնելու մասին պայմանագիր (այսուհետ՝ պայմանագիր),

4. Նախարարության ժամանակակից արվեստի վարչության պետին՝ Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել պայմանագրով նախատեսված աշխատանքների կատարման նկատմամբ հսկողություն, բովանդակային հաշվետվությունների ընդունման գործառույթներ:

5. Սույն հրամանի կատարման հսկողությունը վերապահել Հայաստանի Հանրապետության կրթության, գիտության, մշակույթի և սպորտի նախարարի տեղակալ Ա. Խզմալյանին:

ՎԱՀՐԱՄ ԴՈՒՄԱՆՅԱՆ

X

---

**Հավելված**  
ՀՀ կրթության, գիտության,  
մշակույթի և սպորտի նախարարի  
----- 2022 թ.  
N ----- հրամանի

### ԾՐԱԳԻՐ

#### **Վենետիկի միջազգային բիենալեի շրջանակներում Վենետիկի 79-րդ միջազգային կինոփառատոնին Արտավազդ Փելեշյանի «Բնություն» ֆիլմի ցուցադրության վավերագրման**

1	Կազմակերպության անվանում	«Փաստավավերագրական ֆիլմերի «Հայկ» կինոստուդիա» ՊՈԱԿ
2	Կազմակերպության գտնվելու վայր	ՀՀ. ք. Երևան, Գևորգ Չաուշի 50
3	Ծրագրի անվանում	Վենետիկի միջազգային բիենալեի շրջանակներում Վենետիկի 79-րդ միջազգային կինոփառատոնին Արտավազդ Փելեշյանի «Բնություն» ֆիլմի ցուցադրության վավերագրման
3.1	Բովանդակություն	2022թ. սեպտեմբերի 2-6-ը Վենետիկի 79-րդ միջազգային կինոփառատոնում կկայանա անվանի կինոռեժիսոր Արտավազդ Փելեշյանի «Բնություն» ֆիլմի ցուցադրությունը: Իրադարձային այս միջոցառումը, որպես վավերագրություն կնկարահանվի և կներառվի Արտավազդ Փելեշյանի 80-ամյակին նվիրված «Բացակա պատկեր» հորեյանական ֆիլմում: Միջոցառման ընթացքում նախատեսվում են նաև հարցազրույցներ՝ կինոաշխարհի անվանի ներկայացուցիչների և վարպետի հետ: Վենետիկի 79-րդ միջազգային կինոփառատոնի շրջանակներում Արտավազդ Փելեշյանի «Բնություն» ֆիլմի ցուցադրության վավերագրման համար ներկա կլինեն «Բացակա պատկեր» ֆիլմի ռեժիսոր Հրանտ Վարդանյանը և օպերատոր Վահագն Հակոբյանը
3.2	Նպատակ	Միջոցառման նպատակն է վավերագրել աշխարհահռչակ կինոռեժիսոր Արտավազդ Փելեշյանի «Բնություն» ֆիլմի ցուցադրությունը Վենետիկի միջազգային կինոփառատոնում
3.3	Անցկացման ժամկետ	2022թ. սեպտեմբերի 2-6-ը
3.4	Անցկացման վայր	Վենետիկ, Իտալիա
3.5	Ակնկալվող արդյունքներ	Աշխարհահռչակ կինոռեժիսոր Արտավազդ Փելեշյանի ստեղծագործության արժևորում, նրա ֆիլմի և ելույթի վավերագրում, հայկական կինոարվեստի հանրահռչակում
3.6	Ոչ ֆինանսական ցուցանիշներ	Միջոցառմանը ներկա կլինեն 50 մասնակից